

天台
教觀
名相表解

佛陀教育基金會 印贈

目次

五重玄義	一
五時八教	一
五時八教權實總圖	三
五味	四
半字滿字	四
本迹	五
權實	五
三乘	五
一乘	六
四悉檀	六
四教四諦	七
四教十二因緣	八
四教六度	一一
四教七種二諦	一二
三教五種三諦	一四

分段生死	一五
變易生死	一五
三惑	一五
五住地	一六
界內	一七
界外	一七
內凡外凡	一七
化法四教四觀	一八
化儀四教三觀	一九
四教涅槃	一九
四教八法	二〇
天台四教八法圖	二一
百界千如	二二
奢摩他	二三
三摩鉢提	二三
禪那	二四

三止	二四
三觀	二五
三諦	二五
三智	二六
三德	二六
四教四諦表解	二七
四教十二因緣表解	二七
四教六度表解	二七
天台四教六即表解	二八
化法四教十法成乘表解	二九
台宗一念理具事造十界十如圖	三〇
十如是	三一
一念卽三止三觀三諦表解	三二
天台四釋	三三
天台宗所依經論與註疏	三四
天台宗歷代祖師傳承表	三五

天台教觀名相表解

五重玄義

玄者、幽玄深妙之義理也。天台釋諸經論。先於文前。緒論五重深義。名爲玄義。第一釋名。無名則不能顯法。故應釋經題。第二辨體名者。顯體。故名之次。宜辨體。體者。一部之旨歸。衆義之中樞也。第三明宗者。修行之宗趣也。會體必由修行。故體之次。宜明宗旨。第四論用。會體而自行已圓。則應自體起用。彰諸功德。破除煩惱。故就宗而起斷證之作用。第五判教化益已多。則所說之教義無盡。故用之次。宜判教相。以分大小權實。是爲五重玄義也。

五時八教

天台判定如來一代時教。分爲五種。一華嚴時。正說圓教。兼說別教。約化儀名頓。二阿含時。但說三藏教。約化儀名漸。初三方等時。對三藏教半字生滅門。說通別圓教滿字。


八教
化儀教

化儀教

不生不滅門。約化儀名漸中。四般若時帶通別二權理。正說圓教實理。約化儀名漸後。五法華涅槃時。法華開三藏通別之權。唯顯圓教之實。深明如來設教之始終。具發如來本迹之廣遠。約化儀名會漸歸頓。亦名非頓非漸。涅槃重為未入實者。廣談常住。又為末世根鈍。重扶三權。是以追說四教。追泯四教。約化儀亦名非頓非漸。而秘密不定。二種化儀。徧於前之四時。唯法華是顯露。故非秘密。是決定。故非不定。是為五時也。八教者。化法之四教。與化儀之四教是也。化法四教者。一三藏教。經、律、論之三藏。部類判然。說四諦因緣生滅之法。正教聲聞緣覺之二乘。說事六度法。傍化菩薩也。二通教。說即空無生之四真諦。使通教三乘而同學之。但以菩薩為正機。二乘為傍化也。三別教。不與二乘人共。別對菩薩說大乘無量之法也。四圓教。是對最上利根菩薩。說事理圓融。頓顯中道實相也。以上四教。是化衆生之方法。故名化法。化儀四教者。是佛教化衆生之儀式也。一頓教。對極大之機。頓說圓別二教之大法。即華嚴時是也。二漸教。對漸機。漸漸次第說三時之教。如鹿園、方等、般若。次第之說是也。三秘密教。對一種之機。說

秘密之法。使一會聽衆、自他互不相知。各自得益。此乃如來身口意三輪之不思議力也。四不定教。於一會中、說一味法。使聞者異解、各自互知。得益不等。故名不定也。化法之四教、如藥味化儀之四教、如藥方合成八教也。又藏通二種教觀、運至眞諦涅槃別圓二種教觀、運至中諦大般涅槃藏通別三、皆名爲權。唯圓教觀、乃名眞實耳。

今將五時八教權實總圖列左：



五味

天台大師、定如來一代時教所說之次第、一以比五時之教次第而生、一以比三乘之機次第而熟。是由機教相生。故味有濃淡也。一乳味。初自牛出者。譬佛於牛。佛初說華嚴經、如牛出乳。此時二乘之機全未成熟、至爲淡泊、故全生如乳。二酪味。取自生乳者。以譬佛於華嚴之後、說阿含經。聞阿含者、全是小乘證果之機。三生酥味。更自酪製者。以譬於阿含之後、說方等經。就小機熟、而爲大乘、實得通教益也。四熟酥味。更精製生酥者。以譬於方等經之後、說般若經。就大機熟而實得別教益也。五醍醐味。更煎熟酥而成者。以譬於般若經之後、說法華涅槃二經。權教大乘之機熟、而得一佛乘純圓獨妙之益也。

半字滿字

悉曇章爲生字之根本、而未成字體。故曰半字。以譬不了義之小乘教。滿字教、毗伽羅論文字具足。故曰滿字。以喻了義究竟之大乘教也。

本迹

本地與垂迹也。初地以上之法身菩薩及佛、由自己之實身、變無量之應化身、以化衆生。其實身爲本地、分身爲垂迹。地者能生之義。爲利萬物自垂萬化。故能現之本、謂爲本地。所現之末、謂爲垂迹。自本垂迹、由迹知本。是卽一佛菩薩之妙德也。然此本迹有高下。一本高迹下。二本下迹高。三本迹俱高。四本迹俱下。本高迹下者、如佛現菩薩之身也。本下迹高者、如菩薩現佛身也。本迹俱高、如佛現佛身也。本迹俱下者、如初地菩薩現初地相是也。

權實

適於一時機宜之法、名爲權。究竟不變之法、名爲實。

三乘

乘人而使各到其果地之教法、名之爲乘。乘別有三、一、聲聞乘。又云小乘。速則三生、遲則六十劫間、修空法。終於現世聞如來之聲教、而悟四諦之理。以證阿羅漢者。二、緣覺

乘。又云中乘、辟支佛乘速、則四生、遲則百劫間、修空法、於其最後之生、不依如來之聲教、感飛花落葉之外緣、而自覺悟空理。以證辟支佛果者、三大乘。又云菩薩乘三無數劫間、修六度之行。更於百劫間、植相好因。以證無上菩提者、或以羊、鹿、牛、三車譬之。或以象、馬、兔、三獸比之。是謂之三乘也。

一乘

最上一乘佛教也。即大白牛車譬佛一實之教法。能運載行人到大般涅槃岸之謂也。

四悉檀

佛之說法、總不出四悉檀。悉爲漢語普遍之義。檀爲梵言檀那之畧。是施之義。佛以此四法、普施衆生。故云悉檀。一世界悉檀。世即隔別之義。界即界分也。佛先順凡情、用人我等假名、隨順衆生所樂、而說世間之法。令聞者歡喜適悅。是名世界悉檀。二各各爲人悉檀。佛說法、鑑衆生之機。隨機宜之大小。宿根之淺深。說各人所應之法。令彼發起正信。增長善根。三對治悉檀。瞋恚多者、教以慈心。愚癡多者、教以因緣觀。如是施種種

之法藥、除遣衆生之惡病。四第一義悉檀佛見衆生之機緣既熟。說諸法實相。令彼悟入佛之知見也。

一、四教四諦

諦者、眞實之義理也。

【一藏教生滅四諦】謂三界二十五有。依報之果報。正報之色心。並是三相有爲之法。故名生滅苦諦。貪分煩惱。二萬一千。瞋分、癡分、等分、亦各二萬一千。總此四分、共有八萬四千煩惱。此煩惱心。皆悉流動。擾濁內心。由此方起善、惡、不動、三有漏業。能感三界生死苦果。故名生滅集諦。以戒定慧、對治易奪貪瞋癡等。名爲出世之道。故名生滅道諦。滅彼三界因果之有。方得還於眞諦之無。故名生滅滅諦也。

【二通教無生四諦】謂三界色心依正諸果。名爲苦諦。如夢如幻、當體全空、無逼迫相。所謂生死卽涅槃也。見思煩惱。有漏行業。名爲集諦。不自他生、不共無因、無和合相。所謂煩惱卽菩提也。既體達煩惱卽是菩提、故道不二相。非別有法爲能治也。既體達生死卽是涅槃、故滅無生相。非別有法可證得也。然此但是卽空、故與圓教卽中不同。

【三別教無量四諦】苦有無量相、十法界不同故、集有無量相、五住煩惱不同故、道有無量相、恒沙佛法不同故、滅有無量相、諸波羅蜜不同故。

【圓教無作四諦】謂四諦皆是實相、不可思議、非但道滅、苦集亦實、初後不二、故名無作。己界及佛界、衆生界亦然、陰入皆如、無苦可捨、無明塵勞、即是菩提、無集可斷、邊邪皆中正、無道可修、生死即涅槃、無滅可證、無苦無集、故無世間、無道無滅、故無出世間。純一實相、實相外更無別法也。

二四教十二因緣

【一藏教思議生滅十二因緣】十二因緣者、無明緣行、行緣識、識緣名色、名色緣六入、六入緣觸、觸緣受、受緣愛、愛緣取、取緣有、有緣生、生緣老死憂悲苦惱、無明滅則行滅、行滅則識滅、識滅則名色滅、名色滅則六入滅、六入滅則觸滅、觸滅則受滅、受滅則愛滅、愛滅則取滅、取滅則有滅、有滅則生滅、生滅則老死憂悲苦惱滅、言無明者、謂發業無明有二、一者迷異熟果愚、不知善惡因果、確然無謬、故發三途惡業、二者迷眞實

迷理發明

義愚。不知三界無常無我、貪著人天色、無色、界果報。故發有漏善業、及禪定業、由此二種無明、既發有漏善、惡、不動、三種行已。便於現前一念心中。引起將來三界受生識種。卽此識種、便具名色六入觸受等種。故云無明緣行、乃至觸緣受也。復由迷事無明於昔因所感現在境界。不了知此依報、乃無常無我之苦果。故不生厭離、而反起貪愛。所謂於諸樂受、則愛其合。於諸苦受、則愛其離等。復由此愛、而起於取。所謂於諸樂受、種種追求、令其常合。於諸苦受、種種方便、令其速離等。以此愛取二種潤生之惑、數數漑灌心中識等五支種子、令其漸漸增長成熟、便生有芽。有芽既生、則此身滅後、任運向彼受生。既受生已、任運遷變而至老死時起種種憂悲苦惱。故云受緣愛、乃至生緣老死等也。所以無明及行、爲能引二支。識、名色、六入、觸、受、爲所引五支。愛、取、及有、爲能生三支。生及老死、爲所生二支。十支屬因。皆爲現世。二支屬果。別約未來依生死果。復起無明。依於無明。復起行等。使三界因果不絕、輪迴六道也。

【二通教思議不生滅十二因緣】謂流轉還滅、名相與前藏教不殊。但以體空智慧、

了達生卽非生。滅卽非滅耳。諦觀無明不在內、不在外、不在中間。如幻如化、但有名字、毫無實體也。餘之行等例此可知。

【三別教不思議生滅十二因緣】謂枝末無明爲分段生因。根本無明爲變易生因。枝末無明者、如藏教中釋。根本無明者、不了心外無法。厭苦斷集、證滅修道、卽是迷於中道真實義諦。發起界外偏真無漏行也。由此引生方便變易生死識種。復緣界外無漏正受而起涅槃法愛。深生取著。潤彼變易識種。令生有芽。招感方便不思議變易生死。又不了心外無法、訶棄真空、別修萬行、亦是迷於中道真實義諦。發起界外入假神通行也。由此引生實報變易生死識種。復緣界外勝妙境界而起神通法愛。深生取著。潤彼變易識種。令生有芽。招感實報不思議變易生死。直至佛果。則十二品無明盡滅。方得二死永亡也。

【四圓教不思議不生滅十二因緣】謂無明愛取煩惱卽菩提。菩提通達、無復煩惱、卽究竟淨。了因佛性也。行有業卽解脫。解脫自在、緣因佛性也。識、名色、六入、觸、受、生、老

死、苦卽法身。法身無苦無樂、是大樂、不生不死是常正、因佛性也。

三四教六度

度者、謂從生死此岸、度煩惱中流、到涅槃彼岸也。

【一藏教事六度】六度者、一檀那華言布施。施有二種。一者財施、謂以飲食衣服田宅珍寶、及一切資身之具、悉能施之。二者法施、謂從諸佛、及善知識聞說世間出世間善法、以清淨心、轉爲他說也。二尸羅梵語尸羅、謂好行善道、不自放逸。此據義而譯也。正翻止得。謂止惡得善也。又翻爲戒。謂戒能防止身口所作之惡也。三羼提華言忍辱。忍辱有二種。一者生忍、謂於恭敬供養中、不生嬌逸。於瞋罵打害中、不生怨恨也。二者法忍、謂於寒熱風雨饑渴等法、惱害之時、能安能忍、不生瞋恚憂愁也。四毘梨耶華言精進。精進有二種。一者身精進、謂若勤修善法、行道禮誦、與夫講說、不自放逸也。五禪那華言靜慮。專心歛念、守一不散之謂也。禪有二種。一者世間禪、謂色界無色界、凡夫所修禪也。二者出世間禪、謂聲聞緣覺菩薩所修禪也。六般若華言智慧。謂照了一切諸法皆不可得、而能通達一切無礙、爲諸衆生演說種種諸法也。六度而言事者、以三

祇菩薩、事行雖強、理觀尙弱、奪而言之、故曰事六度行也。

【二通教理六度行】不執我爲施者。不執彼爲受者。不著施物及果。名三輪體空餘例可知。

【三別教不思議六度十度】於第六般若中復開方便、願、力、智、四種權智。共成十度。一一度中。攝一切法。生一切法。浩若恆沙。

【四圓教稱性六度十度】施爲法界、一切法趣施、是趣不過等。

四教七種二諦

【一藏教實有二諦】二諦者。一真諦、二俗諦。此教但明人空。不明法空。謂五陰、六入、十二處、十八界、皆是實法。依此實法和合、假名爲人。人雖定無、法則實有。名爲俗諦。直待修人空觀、斷盡見思、方滅三界陰入界等俗法、復歸真空、名爲真諦也。

【二通教幻有空二諦】謂三界因果、色心依正、並是非有似有、猶如幻事。指此幻有、以爲俗諦。有既是幻、則當體全空、非滅故空。指此卽空、以爲真諦。此則真俗不二。不同

藏教眞居事外

【三通含別二諦】謂幻有爲俗諦。已如前說。幻有卽空爲眞。而此空理。卽是眞如。其體不空。故能爲迷悟依。是則眞諦之中。含有別教中道理體。故名通含別二諦也。

【四通含圓二諦】幻有爲俗。亦如前說。幻有卽空爲眞。而此空理。卽如來藏。亦名爲空。亦名不空。名空之時。空卽具一切法。一切法皆趣此空。言不空時。不空亦卽具一切法。一切法皆趣不空。是則眞諦之中。含有圓教圓空圓中道理。故名通含圓二諦也。

【五別教顯中二諦】幻有。幻有卽空。皆名爲俗。則十法界。皆爲俗也。以不有不空爲眞。則中道爲十界迷悟所依。乃爲眞也。明言中道爲眞。故稱顯中。

【六圓入別二諦】幻有。幻有卽空。皆名爲俗。不有不空爲眞。以眞諦顯中。中但不有不空法性而已。今明法性具一切法。一切法皆趣不有不空。則不有不空之外。更無一法可得。是十界之俗。猶屬別義。不有不空之眞。已成圓義也。

【七圓教不思議二諦】幻有。幻有卽空。皆爲俗。一切法趣有。趣空。趣不有不空。爲眞。

眞卽是俗。俗卽是眞。如如意珠。珠以譬眞。用以譬俗。卽珠是用。卽用是珠。不二而二。分眞俗耳。

三教五種三諦

【一別入通三諦】謂有漏是俗。無漏是眞。非有漏非無漏是中。此教止云有漏是俗。無漏是眞。今立非漏句。以顯中道。則三諦義成。蓋由前通含別二諦。故成此別入通三諦也。

【二圓入通三諦】二諦同前。非漏非無漏。具一切法爲中諦。中者。謂一切法皆趣非漏無漏。則此非漏無漏具一切法。圓中義成。蓋由前通含圓二諦。故成此圓入通三諦也。

【三別教三諦】開俗爲兩諦。謂有卽是俗。空卽是眞。取眞諦之不有不空。名爲中諦。則二諦三諦。但有開合之殊。義無增減也。

【四圓入別三諦】謂有卽是俗。空卽是眞。不改別義。不空不有名爲中諦。中諦具一

切法、則爲圓中矣。

【五圓妙三諦】謂非唯中道具足佛法、眞俗亦然。三諦圓融。所謂一卽三、三卽一是也。

分段生死

爲二種生死之一、謂諸有漏善不善之業、由煩惱障助緣所感之三界六道果報也。其身果報有分有段。分謂分限。段謂形段。身則有長有短、命則有壽有夭。而皆流轉生死。故名分段生死也。

變易生死

謂諸無漏之善業、依所知障助緣所感之界外淨土果報也。爲斷見思惑之阿羅漢以上聖者之生死變異者、無色形之勝劣、壽期之短長、但迷想漸滅、證悟漸增、此迷悟之遷移、謂之變易生死也。界外菩薩、從麤變細。如十住等四十一位。進超斷惑證理之時、因移果易、皆名變易死生也。

三惑

惑者或云煩惱、或云漏、皆爲同體異名。天台總收一切妄惑爲三類。


【一見思惑】如身見邊見等、依邪分別道理而起、謂之見惑如貪欲瞋恚等、依倒想世間事物而起、謂之思惑、離此見思二惑、即離三界聲聞緣覺以之爲涅槃。菩薩更進而斷後之二惑、如此見思、三乘之人通斷、故又名通惑。後之二惑、名爲別惑。

【二塵沙惑】爲化道障。菩薩教化人之障也。菩薩化人、必通如塵沙無量無數之法門。然心性闇昧、不能達此塵沙無數之法門、自在教化。謂爲塵沙之惑。蓋非謂惑體有塵沙之數、惑體唯爲劣慧之一、而不知之法門多故、名塵沙也。菩薩欲斷此劣慧得所謂道種智。必於長劫之間、學習無量之法門也。

【三無明惑】又稱障中道惑、爲障蔽中道實相理故、與前思惑中之癡惑異。彼爲障蔽空理之惑、枝末無明也。此爲迷於根本理體之惑、根本無明也。此無明十二品斷、即爲別教之佛。四十二品斷、即爲圓教之佛也。

五住地

亦名五住煩惱、謂根本煩惱、能生枝末煩惱、故名住地。住地煩惱有五種。表列如下。



界內

欲界、色界、無色界、之三界也。對於界外國土、而云界內。

界外

爲三界外之國土也。三界外有諸佛菩薩之淨土。方便實報寂光是也。

內凡外凡

凡者、謂未得真證以來、總名凡夫。此中分內外二種。得似解之位爲內凡。未得似解之位爲外凡。小乘以五停心、別相念處、總相念處、之三賢位爲外凡。煖、頂、忍、世第一法、之

四善根位爲內凡。大乘之行位、以十信之位爲外凡。十住以上之三賢位爲內凡。是爲內凡外凡也。

化法四教四觀

【一藏教析空觀】此教謂六道法爲是實有、故須分析、一一諸法至隣虛細塵方了其空、證偏眞涅槃。

【二通教體空觀】觀一切諸法、體空無性、如夢、如幻、如露、如電、之觀法也。

【三別教次第三觀】初空觀、觀諸法空、對眞諦也。次假觀、觀諸法假、對俗諦也。後中觀、此有二、觀諸法亦非空、亦非假、卽是中。謂爲雙非之中觀、觀諸法亦空亦假、卽是中。謂爲雙照之觀、是名次第三觀也。

【四圓教一心三觀】謂三觀融卽於一心、不縱不橫。是故任舉一觀、卽圓具三觀。謂舉一空觀、則假中亦空。以三觀悉能蕩相著故也。舉一假觀、則空中亦假。以三觀皆有立法之義故也。舉一中觀、則空假亦中。以三觀之當處皆爲絕對故也。故名一心三觀。

化儀四教三觀

約化儀教、復立三觀、謂頓觀、漸觀、不定觀。蓋秘密教、既不可傳、故不可約之立觀。設欲立觀、亦止是頓、漸、不定、三法皆秘密耳。今此三觀、名與教同、旨乃大異。何以言之。頓教指華嚴經、義則兼別。頓觀亦唯約圓人、初心便觀諸法實相、如摩訶止觀所明是也。漸教指阿含方等般若、義兼四教、復未開顯。漸觀亦唯約圓人、解雖已圓、行須次第、如釋禪波羅蜜法門所明是也。不定教、指前四時、亦兼四教、仍未會合。不定觀、亦唯約圓人、解已先圓、隨於何行、或超或次、皆得悟入、如六妙門所明是也。

四教涅槃

涅槃者、即圓寂、滅度、不生之謂也。圓寂者、謂德無不備、為圓、障無不盡、名寂。滅度者、滅生死之因果、渡生死之瀑流、到不生不滅之彼岸也。不生者、生死之苦果、不再生也。

【一藏教偏真涅槃】謂小乘所證之真理、為偏於一邊者、故曰偏真。涅槃之義、如上已釋。

【二通教眞諦涅槃】眞謂無虛妄也。諦謂審察諸法空理。眞實無有虛謬。故云眞諦。其體只是空理而已。通教深觀其空。而證涅槃。故曰眞諦涅槃也。

【三別教但中無住涅槃】無住者。謂非如小乘。既了生死。則住於不生不死。菩薩則依於大智。故不住於生死。依於大悲。故不住於涅槃。利樂有情。不住二邊。是謂之無住處。利樂之用。雖常起。而亦常寂。但有中道。故謂之涅槃。

【四圓教圓中三德涅槃】一法身德。名性淨涅槃。二般若德。名圓淨涅槃。三解脫德。名方便淨涅槃。此三卽一。此一卽三。三一相卽。互攝互入。圓融無礙。故爲圓中。一中一切中也。

四教八法


八法者。一教卽佛所說之教法也。二理教所詮之諦理也。三智行人所發之觀解也。四斷眞智所斷之煩惱也。五行學人所修之行法也。六位次第趣入之位次也。七因正感證果之因體也。八果所得之聖果也。凡一切法門。總歸此八法。若略之則曰教、理、行、果。

四法故天台大師、以此八法、詮藏通別圓四教之義、今示四教八法圖如下。

圓教

別教

通教



藏教（聲聞）

（辟支佛）

（菩薩）

八

教……稟四諦……稟十二因緣……稟六度

理……理在正使外……理在習氣外……理在正習外

智……用總相智……用別相智……用總別相智

法

斷……斷正使惑……斷正習惑……斷正習惑

行……自修戒定慧……為自修樂獨善寂……為他修六度

圖

位……住學無學位……住無學位……三僧祇登道場

因……帶果行因……望果行因……伏惑行因

果……斷正如燒木成炭……斷習如燒木為灰……正習盡如燒木無灰

◎百界千如理具事造兩重三千同在一念同在一塵同在一念

謂差別一切迷悟之境而為十界此十法界中一界即具地獄、餓鬼、畜生、修羅、人道、天道、聲聞、緣覺、菩薩、佛、十界又界界互具則成百界每界具十如是所謂如是相、如是性、

如是體、如是力、如是作、如是因、如是緣、如是果、如是報、如是本末究竟等、則成千如是實法一千、假名一千、國土一千、則成三千實法者、地獄五陰、乃至佛界五陰、假名者、地獄假名、乃至佛界假名、國土者、地獄依報、乃至佛界依報、此三千法、不離現前一念、故曰同在一念、亦可云同在一塵、同在一念、隨起一念、隨舉一名、隨拈一塵、無非法界、理事頓具、無欠無餘、如一念、一切諸念亦然、如一塵、一切諸塵亦然、如一名、一切諸名亦然。

奢摩他

譯曰止、或寂靜、能滅等。攝心住於緣、離散亂也。此爲但修空觀、然三諦本唯一境、故三觀本乎一心、圓融該攝。舉一卽三、言三卽一。所謂正偏兼帶。雖云單修一觀、必兼餘二。雖不明說、義卽全具。今唯取極靜。是以觀空爲主。由靜力故、永斷煩惱、則義該於假。以煩惱幻化、以靜力斷之。若究竟成就、圓證一心、則攝中也。

三摩鉢提

譯曰觀、此爲但修假觀也。依於幻行、不失寂念、則全體起用、兼攝一心中道寂滅之體、而起空慧、照破無明。是以假攝中空也。

○禪那

譯曰靜慮、靜卽定、慮卽慧、定慧均等之妙體曰禪那。此爲單修中觀也。唯滅諸幻、獨斷煩惱、乃攝假入中、煩惱斷盡、便證實相。乃攝空入中、正遮照同時、以顯中也。

三止

台家對於三觀、而立三止。

一體眞止諸法由因緣而生。因緣和合之法、無自體、其性空。證此空理、謂之體眞止。息一切攀緣妄想。是對於空觀之止也。

二方便隨緣止。又名繫緣守境止。菩薩知空非空、停止於諸法幻化之理。分別藥病、化益衆生者。知空非空、謂之方便。分別藥病、隨緣歷境、謂之隨緣。安住俗諦之理而不動、謂之止。是對於假觀之止也。

三息二邊分別止。又名制心止。第一止偏於真。第二止偏於俗。俱不會於中道。今知真非真、則空邊寂靜。知俗非俗、則有邊寂然。息真俗之二邊、而歸於中諦。是對於中觀之止也。以上三止、前後次第、爲別教之三止。三卽一、一卽三、三一相卽、爲圓教之三止也。

三觀

一空觀觀諸法空、對真諦也。

二假觀觀諸法假、對俗諦也。

三中觀此有二、觀諸法亦非空亦非假、卽是中、謂爲雙非之中觀。觀諸法亦空亦假、卽是中、謂爲雙照之觀。

又就性德之理而謂爲三諦、就修德之智而謂之三觀。

三諦

一真諦一切世間所有之法、不論有情非情、總爲因緣所生、因緣所生之法、自體不實、一切皆空。空理寂然。不生不滅。此理爲真。故曰真諦。

二俗諦世間依正色心因緣所生之法，純是假有此假物暫爲世用，不爲實有，名爲俗諦。

三中諦空理寂然之真諦，都不拒緣起之用。緣起之用，純是真理中假有之物。假物與真理，不一不異，不卽二邊，是爲中道。名曰中諦。

三智

一一切智聲聞緣覺之智也。知一切法之總相者。總相，卽空相也。

二道種智菩薩之智也。知一切種種差別之道法者。

三一切種智佛智也。佛智圓明，通達總相別相化道斷惑，一切種之法者。故謂之一切種智也。

三德

一法身德爲佛之本體，以常住不滅之法性爲身者。

二般若德般若譯曰智慧，法相如實覺了者。

三解脫德遠離一切之繫縛，而得大自在者。三者各有常、樂、我、淨之四德。故名三德也。

四教四諦表解

道	滅	集	苦	四四 諦教	
				生滅	藏
道則對治易奪。	滅則有還歸無（滅三界因果之有，還歸真諦之無。）	集則貪瞋癡等分四心流動。	苦則生異滅三相遷移。	生	藏
道爲能治，惑爲所治，所治卽空，能治亦然。	苦集體空，空故不生，不生故今無所滅。	了惑業緣生無性，則煩惱卽菩提。	了苦如幻，當體卽空，故生死卽涅槃。	無生	通
一佛法門無量，如大小權實偏圓，多似恆沙，何況多佛。	法門無量，對法門論指歸，亦復無量。	見惑尙有無量，何況五住。	九法界苦相不同故。	無量	別
邊邪皆中正，無道可修。	生死卽涅槃，無滅可證。	無明塵勞，卽是菩提，無集可斷。	陰入皆如，無苦可捨。	無作	圓

四教十二因緣表解

十二因緣	十二因緣		十二因緣	十二因緣
	生	藏		
生	生思滅議	生思滅議	生思滅議	生思滅議
滅	不生滅議	不生滅議	不生滅議	不生滅議
道	生思滅議	生思滅議	生思滅議	生思滅議
藏	不生滅議	不生滅議	不生滅議	不生滅議

四教六度表解

六度	六度		六度	六度
	事	理		
六度	六度	六度	六度	六度
事	六度	六度	六度	六度
理	六度	六度	六度	六度
六度	六度	六度	六度	六度

天台四教六即表解

六卽圓教		理卽	名字卽	觀行卽	相似卽	分證卽	究竟卽
藏	通	偏真	學名字 總別五相念 相停念心 外凡	四加行位：內凡	前三果有學位：聖因	三乘無學位：聖果	
別	通	無生	幻化 乾慧地 外凡	性 地：內凡	從八人地：聖因 至菩薩地	佛地：聖果	
圓	別	但中	解義 十信位 外凡	十住位 十行位 十迴向位 內凡	十地位 等覺位 聖因	妙覺位：聖果	
圓	圓中	聞解 五品 外凡	十信位：內凡	十住位 十行位 十迴向位 十地位 等覺位 聖因	妙覺位：聖果		

四化法十法成乘表解

化法四教	十法成乘	一、先明觀境 觀不思議境 (一念具足三千性相百千于如此境卽空卽假卽中)	二、真正發心 真正發菩提心 (依上妙境發心無作四弘誓願慙已慙他上求下化)	三、遵修止觀 善巧安心止觀 (體前妙理恆常寂然名爲定寂而常照名爲慧)	四、徧破諸惑 以圓三觀破三惑徧三觀一心無惑不破	五、善識通塞 善識通塞： (苦集十二因緣六蔽塵沙無明爲塞道滅滅因緣智六度一心三觀爲通)	六、調適道品 調適無作道品七科卅七分 一一調停隨宜而入	七、以事助理 以藏通別等事相法門，助開圓理	八、須知位次 知位次令不生增上慢	九、安忍諸障 能安忍策進五品而入十信	十、須離法愛 離法愛策於十信令入十住乃至等妙
別教	教	緣於登地中道之境而爲所觀迴出空有之表	真正發心普爲法界	安心止觀。定止愛 慧觀策	次第徧破三惑	識次第三觀爲通，見思塵沙無明爲塞，傳傳檢校，是塞令通。	調適三十七道品是菩薩寶炬陀羅尼，入三解脫門證中無漏	用前藏通法門助開實相(以事助理)	善知信、住、行、向、地、等、妙、不謂七位差別。終不謂我叨極上聖	離違順強軟二賊策十信入於十住	離相似法愛策三十心令入十地
通教	教	明觀境： 六道陰入爲觀境能觀所觀皆如幻化	明發心： 二乘緣真自行，菩薩隨幻兼入，苦與樂拔苦譬如鏡像	安心如空之止觀	以幻化慧，破幻化見思	雖知苦集流轉六蔽等皆如幻化亦以幻化道滅還滅六度等通之	以不可得心修三十七道品	體三藏法無常苦空如幻而治	識乾慧等如幻位次而不謬濫	安忍乾慧位內外諸障而入性也	不著性地相似法愛而八人見地
藏教	教	觀正因緣境：破邪因緣，無因緣兩種顛倒	真正發心： 不爲名利唯求涅槃	遵修止觀： 觀止者五停心觀者四念處	徧破見愛煩惱	識道滅還滅六度是通苦集流轉六蔽是塞	調適卅七道品入三解脫門(正)	若根鈍不入應脩對治事禪等(助)	正助合行或有薄益須識位次凡聖不濫	安忍內外諸障(內四百四病四倒外名利眷屬諸災)	不於似道而生法愛

理具

心

事造

台宗後裔靜修謹述

圖如十界十造事具理念一宗台

說總如十			末本	報	果	緣	因	作	力	體	性	相	如十	十																					
			等竟究										佛	界	一																				
體			性	相	初相為本後報為末此之本末皆同實相一理平等無二是名本末究竟等也										別	教	薩	界	三	四	五	六	七	八	九	十									
體以主質為義通指現未色心			性以據內自分不改習性內蘊遇緣即發	相以據外覽而可別內動外彰遠長來報											緣	覺	聲	聞	天	界	人	界	修	羅	餓	鬼	畜	生	地	獄					
因			作	力											緣	覺	聲	聞	天	界	人	界	修	羅	餓	鬼	畜	生	地	獄					
因以宿習諸種子為義指種現相生習續不斷			作以運動構造為義指現在三業創造諸業	力以功能為義指未來力能堪任苦樂											緣	覺	聲	聞	天	界	人	界	修	羅	餓	鬼	畜	生	地	獄					
報			果	緣											緣	覺	聲	聞	天	界	人	界	修	羅	餓	鬼	畜	生	地	獄					
報指未來所招感為報如富貴貧賤悉是酬因			果指習成享受為果如習善惡諸業現感諸果	緣以疏助為義指助緣器具能成習業											緣	覺	聲	聞	天	界	人	界	修	羅	餓	鬼	畜	生	地	獄					
					圓成四德	大般涅槃	朗然大覺	一念相應	助發智慧	福德莊嚴	續生無盡	智慧莊嚴	要期進取	四弘誓願	超出二乘	初發菩提	體是實相	正因理心	本自清淨	了因慧性	遠表菩提	緣因善心	佛	界	一										
					勝報浩然	變易未盡	證入行向	假觀成就	助成真慧	前教道品	續生不已	真無漏慧	自行化他	無量六度	堪任大事	無量四弘	殊勝色心	界外變易	救度衆生	定入生死	遠表菩提	恒沙佛法	別	教	二										
					不異三藏	佛亦無報	克證佛果	斷餘殘習	助發無漏	生滅道品	習續不斷	無漏習因	自行化物	幻化六度	誓願進取	無生四弘	相應色身	勝應色身	自分不改	無漏智慧	表二涅槃	理度相生	通	教	二										
					是以無報	佛同二乘	斷結為果	三十四心	助成善種	見思二惑	生生不息	善業種子	化物為懷	行事六度	依發四弘	生滅四諦	以自莊嚴	三十二相	不異人天	性是白法	遠表佛果	事度相現	藏	教	二										
					是以無報	不受後有	有餘涅槃	得證無漏	助發勝智	外稟因緣	續生勝智	無漏習種	勤觀因緣	不運三業	永謝輪迴	力能出苦	寂靜輕安	五分法身	遠離閻闍	性樂寂靜	遠表涅槃	孤寂相顯	緣	覺	三										
					自爾無報	不受後有	四沙門果	證入無漏	助發正智	行行道品	續生正智	無漏種子	勤策精進	不動三業	使山苦海	力能動出	寂靜輕安	五分法身	善惡兩捨	性非黑白	遠表涅槃	厭苦相生	聲	聞	四										
					快受勝樂	安處天宮	天上善果	酬因自成	如水潤種	具度助善	相續無己	白業習種	止行二善	運動三業	堪離粗濁	力任上善	諸多輕快	安樂色心	終難易轍	素性好善	遠表清升	禪善相起	天	界	五										
					享用自在	受諸快樂	人間善果	酬善心生	助成善因	所有具度	習續不斷	善因種子	創諸善業	運動身口	樂從有益	堪任善事	行動康寧	身心安快	無可更易	性善綱常	遠表輕安	戒善相萌	人	界	六										
					差比天樂	住處華宮	苦樂相雜	男醜女美	助成取勝	我及我所	現生不斷	宿習疑種	互相鬥戰	運動身口	力靜權衡	可驚可駭	身形巨陋	自爾難更	性多疑忌	猜忌相現	遠表陋形	猜忌相現	修	羅	七										
					火聚逼身	遇食即變	漿水之名	千載不聞	助成貪種	相應具度	相習連續	貪習宿種	攬取無厭	運動三業	填河塞海	堪任穢穢	粗惡可畏	形山腹海	難可改變	性分多貪	遠表饑虛	貪取相彰	餓	鬼	八										
					逼迫難堪	依正粗濁	以苦為樂	披毛戴角	所有具度	著我我所	發現不絕	癡習宿因	誘物歸己	運動三業	牽車挽重	力任刀礮	互相吞噉	粗惡色心	性多愛著	遠表橫行	癡著相發	畜	生	九											
					備嘗衆苦	鐵床銅柱	謂為樂境	地獄相現	具度助種	惡我我所	相習不斷	惡習種子	創業惡逆	運動三業	登刀上箭	堪任受苦	摧折色心	體無完膚	上品黑惡	遠表泥犁	惡逆相起	地	獄	十											

理具心造

台宗後裔靜修謹述

十如是

法華經方便品云「佛所成就第一希有難解之法，唯佛與佛乃能窮盡諸法實相。謂諸法如是相、如是性、如是體、如是力、如是作、如是因、如是緣、如是果、如是報、如是本末究竟等」誌此一心所具十法界之相，一切法悉皆攝入此十如是中。

一、如是相 相乃顯現於外方之差別的形相，十界形相，各各差別不同，每一界復各具十界。譬如人間或現地獄相，或現畜生，餓鬼相等。

二、如是性 性為內在的不改移的性質。如地獄有地獄性。餓鬼人間亦然又人道中遇地獄緣顯地獄性墮入地獄，遇畜生緣亦復如是。

三、如是體 體為主質義，十界各有各各之色心，地獄界有地獄界之色心，人間有人間之色心，各為其界有情之主質，各界皆具十界之體。

四、如是力 力為能力，鳥有飛翔能力，魚有游水能力，十界有各各之能力，而各界亦皆具有十界之能力。

五、如是作 作為構造，十界各各能運用三業，各有其所作為也。


六、如是因 因者親因緣也，善因必得善果，惡因必得惡果，直接的原因也。

七、如是緣 緣者能助因招果，即增上緣也，乃間接的原因也。

八、如是果 即善因所引善果，惡因所引惡果也。

九、如是報 總報之果體，果熟果也。

十、如是本末究竟等 本為初，末為終，始自如是相終至如是報，所有一切究竟平等。以其平等故具空假中三義



一、是真相如 如為名詞，即如常義，不異，平等之謂也，是相為如，是性為如，體、力、作、乃至究竟等皆悉平等，何以平等，悉皆空故。真諦也。

二、如俗是相 如是之謂名相，性、體……、以名顯其差別義故是為假諦也。

三、相中如是 是為名詞，即中道實相之義。如為相應義。故義應，謂相如其「是」，相與中道相應，性、相、體、力……亦如其「是」悉皆與中道相差，故為中諦義也。

天台四釋

(講經說法資範)

智者大師以此四釋，解釋法華經

一、因緣釋：以四悉檀爲因緣，分作四種釋義也。

四悉檀：出智度論，爲龍樹菩薩判釋如來一代時教，化度衆生之方法者也。

四悉檀	釋義	如是我聞之「如是」二字，四悉檀釋例。
世界悉檀	引衆生之樂欲爲第一悉檀	如是者，指事之詞。指一經所說之事實謂如是。乃世間通常之釋義，使聞者易解，引世人之樂欲也。
爲人悉檀	使生信心爲第二悉檀	如解「如是者，信賴之辭也」，是學阿難之信以勸人信，爲人悉檀之因緣釋也。
對治悉檀	破惡執爲第三悉檀	如釋「外道經文冠首置阿（無義）偈（有義）二字。如此則可惹起他人諍論。故佛教對之乃置如是二字」，斯爲以無諍破諍之意，故爲對治悉檀之因緣釋也。
第一義悉檀	令入實相爲第四悉檀	如解「如者，眞如也，是者，眞如離百非也。」是令入中道實相之釋義爲第一義。

二、約教釋：天台分如來一代教義爲藏、通、別、圓四教，依此四教之義，各釋其法。

四教	「一心」二字，約教釋例：
藏	謂爲「意識」者，爲約藏教之釋也。
通	謂爲「阿賴耶識」者，爲約通教之釋也。
別	謂爲「如來藏」者，爲約別教之釋也。
圓	謂爲「三千諸法」，爲約圓教之釋也。

三、本迹釋：佛身有本地、垂迹二種，伽耶山頭始成佛道之釋迦，乃垂迹之化佛。更有久遠劫前已證菩提，而今常存之眞實報身佛。閱法華經壽量品可知之，故依此本地、垂迹二門解釋法義者，謂本迹釋。

如解釋「舍利弗等諸大弟子，爲證聲聞之比丘」是約跡釋也。
如謂「原是菩薩，今爲助化故，示現比丘」則爲約本釋也。

四、觀心釋：惟前三釋雖微者微，密者密矣但若一反觀自心，依義修心，則無所得，徒勞算砂，說食數寶，卽斯之謂，於是乃立觀心釋焉。

如解「王舍城」而云爲我一心是也。何者衆生之心，原藏如來。佛在王舍城者，示衆生之一心，本爲佛之所住也。是將所說妙法之義，寄於我之一心，而觀實相之理。故謂之觀心釋也。

(見「法華文句」：始從如是，終于而退，皆以四意消文。而今略書或三二一，要在得意，不煩筆墨。)

天台宗歷代祖師傳承表

釋迦牟尼佛—摩訶迦葉—阿難陀—商那和修—優婆毘多—提多迦—彌遮迦—佛陀難提—

佛陀密多—脇尊者—富那奢比丘—馬鳴菩薩—比羅比丘—龍樹菩薩—須利耶蘇摩—

鳩摩羅什三藏—(南北朝)—(傳大士)—(北齊)慧文大師—(陳)慧思大師—(隋)天台智者大師—(灌頂大師)—

智威大師—(唐)慧威大師—玄朗大師—湛然大師—道邃和尚、行滿和尚

天台教觀名相表解 功德主名錄

委印文號：112229

二四、〇〇〇元：「高泉沂、張雅雯、李俊泰、李秀美、張尹喬、陳旅皓（張尹喬之子）、粘阿勉、王怡人、

陳素燕、劉美秀、葉文煙、宋璟萱、陳宜均、王鴻忠、紀寶鳳、李文玲、孫同元、江素月、高謝菊子、高嘉彤、周雲雄、張月桂、廖志旭、張兆麟。」

以上計新台幣：二四、〇〇〇元，恭印一、〇〇〇本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有冤枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；

若有結餘，均續作本會之印（購）經書及運費，為施主廣積陰德，歡迎十方大德善加利用。

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五六七年／西元二〇二三年九月

天台教觀名相表解

恭印一〇〇〇本

流水號：19312
書號：CH826-19

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(02) 2395-1198

傳真：(02) 2391-3415

劃撥戶名：財團法人佛陀教育基金會

郵局劃撥帳號：〇七六九四九七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三（銀行代碼：〇〇四）

本會經書免費結緣之請取方式如下：

（一）親臨本會二樓講堂。 （二）利用傳真：(02) 23965959

（三）撥打電話：(02) 2395198 分機：11、12

（四）網址：<http://www.budaedu.org/books/>。（五）寫信指定：本會法寶流通股。

為提高服務效率，請多利用文字方式，儘量少用電話。並請詳寫經書名稱、冊數及收件人姓名、地址、電話、郵遞區號，且避免姓名、地址等文字上書寫之錯誤，

以減少郵資及法寶浪費；若大量申請，請務必註明用途。

◎本會經書，歡迎翻印（請勿增刪），贈送流通，功德無量。

◎本會交通

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262 台北商業技術學院→253、297、237、仁愛路二段→297、253 開南商工→208 仁愛、杭州南路口（紹興街）→630、270、263、621、651、37、261



行政院新聞局出版事業登記證局版臺業字第三八六九號

